

史
通
訓
故
補

史通訓故補卷之十三

北平黃叔琳崑圃補注

海虞顧鎮備九叅訂

新建洪世楷周木同訂

疑古第三

摠十二條

疑古一篇似
是有為而發
不應悖謬至
是惜哉為全
書之結

蓋古之史氏區分有二焉一曰記言二曰記事而
古人所學以言為首至若虞夏之典商周之誥仲
虺周任之言史佚臧文之說凡有遊談專對獻策
上書者莫不引為端緒歸其的準其於事也則不

然至若少昊之以鳥名官陶唐之以御龍拜職夏氏之中衰也其盜有后羿寒浞齊邦之始建也其君有蒲姑伯陵斯並開國承家異聞奇事而後世學者罕傳其說唯夫博物君子或粗知其一隅此則記事之史不行而記言之書見重斷可知矣及左氏之為傳也雖義釋本經而語雜它事遂使兩漢儒者嫉之若讎故二傳大行擅名後世又孔門之著述也論語專述言辭家語兼陳事業而自古學徒相授唯稱論語而已由斯而談並古人輕事

重言之明效也。然則上起唐堯下終秦繆其書所錄唯有百篇而書之所載以言為主。至于廢興行事萬不記一語其缺畧可勝道哉。故令後人有言唐虞以下帝王之事未易明也。案論語曰君子成人之美不成人之惡。又曰成事不說。事已成不說可復解說遂事不諫。事已遂不諫可復諫止既往不咎。事已往不咎可復追咎又曰民可使由之不可使知之。由用也可用而不可使知者百姓日用而不能知自此引經四處注皆全寫先儒所釋也。夫聖人立教其言若是在於史籍其義亦然。是以美者因其美以美之雖有其惡不

加毀也惡者因其惡而惡之雖有其美不加譽也故孟子曰堯舜不勝其美桀紂不勝其惡魏文帝曰舜禹之事吾知之矣漢景帝曰學者不言湯武受命不為愚斯並曩賢精鑒已有先覺而拘於禮法限以師訓雖口不能言而心知其不可者蓋亦多矣又案魯史之有春秋也外為賢者內為本國事靡洪纖動皆隱諱斯乃周公之格言然何必春秋在於六經亦皆如此故觀夫子之刊書也夏桀讓湯武王斬紂其事甚著而芟夷不存

此事出周書案周書

是孔子刪尚書之餘以成其錄也。觀夫子之定禮也隱閔非命惡

視不終而奮筆昌言云魯無篡弑觀夫子之刪詩

也凡語國風皆有怨刺在於魯國獨無其章魯多淫僻

豈無刺詩蓋夫子刪去而不錄觀夫子之論語也君娶於吳是謂

同姓而司敗發問對以知禮斯驗聖人之飾智矜

愚愛憎由已者多矣加以古文載事其詞簡約推

者難詳缺漏無補遂令後來學者莫究其源蒙然

靡察有如聾瞽今故評其疑事以著于篇凡有十

條列之于後

益虞書之美放勳也云克明峻德而陸賈新語又
曰堯舜之臣比屋可封蓋因堯典成文而廣造奇
說也按春秋傳云高陽高辛二氏各有才子八人
謂之元愷此十六族也世濟其美不隕其名以至
於堯堯不能舉帝鴻氏少昊氏顓頊氏各有不才
子謂之渾沌窮奇檣杌此三族也世濟其凶增其
惡名以至于堯堯不能去緡雲氏亦有不才子天
下謂之饕餮以此三族俱稱四凶而堯亦不能去
斯則當堯之世小人君子比肩齊列善惡無分賢

知幾憤激而
發與莊子

愚共貫但論語有云舜舉咎繇不仁者遠是則當
咎繇未舉不仁甚多彌驗堯時羣小在位者矣又
安得謂之克明峻德比屋可封者乎其疑一也
堯典序又云將遜于位讓虞舜孔氏注曰堯知子
丹朱不肖故有禪位之志按汲冢瑣語云舜放堯
於平陽而書云某地有城以囚堯為號識者憑斯
異說頗以禪受為疑然則觀此二書已足為證者
矣而猶有所未覩也何者據山海經謂放勛之子
為帝丹朱而列君子帝者得非舜雖廢堯仍立堯

聖人不死大
道不止同意
而特又甚焉
不乘聖賢以
絕後世之奸
惡而盡疑聖
賢之行事足
直謂古來無
聖賢也人謂
漸滅久矣

周洪範曰舜
年九十三自
謂倦于勤而
命禹居攝豈
有百有九歲
之謂其氣已
衰而又南涉

子俄又奪其帝者予觀近有姦雄奮發自號勤王
或廢父而立其子或黜兄而奉其弟始則示相推
戴終亦成其篡奪求諸歷代徃徃而有必以古方
今千載一揆斯則堯之授舜其事難明為之讓國
徒虛語耳其疑二也

虞書舜典又云五十載陟方乃死注云死蒼梧之
野因葬焉按蒼梧者於楚則川號汨羅在漢則邑
稱零桂地摠百越山連五嶺人風嫗劃地氣歊瘴
雖使百金之子猶憚經履其途况以萬乘之君而

大山深人樂
夷之地哉為
此說者惑于
古涉方乃死
之文耳竹書
紀年云帝王
之殺曰涉師
古云古謂掘
土為坑曰方
祭統集傳云
涉方猶升遐
也要之舜都
蒲坂距禹條
二百餘里立
于茅草于湯
條是可據也
子元輕孟信
遷河其詳歟

堪巡幸其國且舜必以精華既竭形神告勞捨茲
寶位如釋重負何得以垂歿之年更踐不毛之地
兼復二妃不從怨曠生離萬里無依孤魂溘盡讓
王高蹈豈其若是者乎歷觀自古人君廢逐若夏
桀放於南巢趙嘉遷於房陵周王流彘楚帝徙郴
語其艱棘未有如斯之甚也斯則涉方之死其殆
文命之志乎其疑三也

汲冢書云舜放堯於平陽益為啟所誅又曰太甲
殺伊尹文王殺季歷凡此數事語異正經其書近

繫竹書紀年
 故既立而費
 侯伯益出就
 國無教後益
 事此益項謠
 中載之孟子
 所謂齊東野
 人之語也又
 紀年云季歷
 代余熊之戎
 獵其三大夫
 來獻捷文丁
 疾而執之于
 羑里季歷困
 而死故曰文
 王我季歷而
 史通說為文
 王太早

出世人多不之信也按舜之放堯文之殺季無事
 別說足驗其情已於此篇前後言之詳矣夫惟益
 與伊尹受戮於正書猶無其證推而論之如啟之
 誅益仍可覈也何者舜廢堯而立丹朱禹黜舜而
 立商均益手握機權勢同舜禹而欲因循故事坐
 膺天祿其事不成自貽伊咎觀夫近古篡奪桓獨
 不全馬仍反正若啟之誅益亦猶晉之殺玄乎若
 舜禹相代事業皆成惟益覆車伏辜夏后亦猶桓
 効曹馬而獨致元興之禍者乎其疑四也

湯誥云湯伐桀戰於鳴條又云湯放桀於南巢唯
有慙德而周書般祝篇稱桀讓湯王位云云此則
有異於尚書如周書之所說豈非湯既勝桀力制
夏人使桀推讓歸王於己蓋欲比跡堯舜襲其高
名者乎又按墨子云湯以天下讓務光而使人說
曰湯欲加惡名於汝務光遂投清冷之泉而死湯
乃即位無疑然則湯之諦讓偽跡甚多考墨家所
言雅與周書相會夫尚書之作本出周書孔父截
剪浮詞裁成雅語去其鄙事直云慙德豈非欲滅

湯之過增桀之惡者乎其疑五也

夫五經立言千載猶仰而求其前後理甚相垂何者稱周之盛也則云三分有二商紂為獨夫語殷之敗也又云紂有臣億萬人其亡流血漂杵斯則是非無準向背不同者焉又按武王為泰誓數紂過失亦猶近代之有呂相為晉絕秦陳琳為袁檄魏欲加之罪能無辭乎而後來諸子承其偽說竟列紂罪有倍五經故孔子曰桀紂之惡不至是君子惡居下流班生亦云安有據婦人於一作朝劉

向又曰世人有弑父害君桀紂不至是而天下惡者皆以桀紂為先此其自古言辛癸之罪將非厚誣者乎其疑六也

微子之命篇云殺武庚按祿父即商紂之子也屬社稷傾覆家國淪亡父首梟懸母軀分裂永言怨耻生死莫二向使其侯服事周而全軀保其妻子也仰天俯地何以為生含齒載髮何以為貌既而合謀二叔殉節三監雖君親之怨不除而臣子之誠可見考諸名教生死無慙于義者苟以其功業

不成便以頑人為目必如是則有君若夏少康有臣若伍子胥向若隕讐雪怨衆敗身滅亦當隸跡醜徒編名逆黨者邪其疑七也

論語曰大矣周之德也三分天下有其二猶服事殷按尚書云西伯戡黎殷始咎周夫姬氏爵乃諸侯而輒行征伐結怨王室殊無媿畏此則春秋荆蠻之滅諸姬論語季氏之伐顓臾也又按其書曰朱雀云云文王受命稱王云云大夫無二日地惟一人有殷猶存而王號遽立此即春秋楚及吳越

僭號而陵天子也。然則戡黎滅崇自同王者服事之道理不如斯。亦猶近者魏司馬文王害權臣。黜少帝。坐加九錫。行駕六馬。及其歿也。而荀勗猶謂之人臣。以終蓋姬之事。殷當比馬之臣。魏必稱周德之大者。不亦虛為其說乎。其疑八也。

論語曰。太伯可謂至德也已。三以天下讓。民無德而稱焉。按呂氏春秋所載云云。斯則太王鍾愛厥孫。將立其父太伯。年居長嫡。地實妨賢。向若強顏苟視。懷疑不去。大則類衛伋之誅。小則同楚建之

逐雖欲勿讓君親其立諸且太王之殂太伯來赴
季歷承考遺命推讓厥昆太伯以形質已殘有辭
獲免原夫毀茲玉體從彼被髮者本以外絕嫌疑
內釋猜忌譬雄雞自斷其尾用獲免於人犧者焉
又按春秋晉士為申生之將廢也曰為吳太伯猶
有令名斯則太伯申生事如一體直以出處有異
故成敗不同若夫子之論太伯也必美其因病成
妍轉禍為福斯則當矣如云可謂至德者無乃謬
為其譽乎其疑九也

按通周書管叔紂而並蓋
管叔自紂而死周公未嘗
誅之也又謂
雅云誅責也
後人乃以為
誅殺誤矣

尚書金縢篇云管蔡流言公將不利于孺子左傳
云周公殺管叔而放蔡叔夫其不愛王室故也按
尚書君奭篇序云召公為保周公為師相成王為
左右召公不說斯則旦行不臣之禮挾震主之威
跡居疑似坐招訕謗雖奭以亞聖之德負明允之
才目覩其事猶懷憤懣况彼二叔者才處中入地
居下國側聞異議能不懷猜原其推戈反噬事由
誤誠而周公自以不誠遽加顯戮與夫漢代赦淮
南明帝寬阜陵一何遠哉斯則周公於友于之義

薄矣而詩之所述用為美談者何哉其疑十也
大抵自春秋以前尚書之世其作者述事如此今
取其正經雅言理有難曉諸子異說義或可憑參
而會之以相研覆如異於此則無論焉夫遠古之
書與近古之史非唯繁約不類故亦向背皆殊何
者近古之史也言唯詳備事罕甄擇使夫學者觀
一邦之政則善惡相叅觀一主之才而賢愚殆半
至於遠古則不然夫其所錄也畧舉綱維務存褒
諱尋其終始隱沒者多嘗試言之向使漢魏晉宋

之君生於上代堯舜禹湯之主出於中葉俾史官
易地而書各叙時事校其得失固未可量若乃輪
扁稱其糟粕孔氏述其傳疑孟子曰盡信書不如
無書武成篇吾取其二三簡推此而言則遠古之
書其妄甚矣豈比夫王沉之不實沈約之多詐若
斯而已哉

史記陶唐既衰其後有劉累者學擾龍于秦龍
氏以事孔甲孔甲賜之姓曰御龍氏
春秋左傳齊景公曰古而無死其樂如何晏子
曰古而無死則古之樂也君何得焉昔夷鳩氏
始居此地季荊因之有逢伯陵因之蒲姑氏因
之而後太公因之古而無死則真鳩氏之樂非

君所願也。

魏氏春秋延康元年文帝受禪帝升壇禮畢顧謂羣臣曰舜禹之事吾知之矣。

前漢書韋固治詩孝景時與博士黃生爭論上前黃生曰湯武非授命乃殺也固曰必若所云高皇帝代秦即天子之位非耶于是上曰食肉毋食馬肝未為不知味學者毋言湯武授命不為愚遂罷。

春秋左傳隱公祭鍾巫齊于社園館于寤氏羽父使賊弑公于寤氏。

春秋左傳閔公二年初公傅奪卜齋田公不禁秋八月辛丑共仲使卜齋賊公于武閭。

春秋左傳文公二妃敬嬴生宣公敬嬴嬖而私事襄仲宣公長而屬諸襄仲襄仲欲立之叔仲不可仲見于齊侯而請之齊侯新立而欲親魯許之冬十月仲殺惡及視而立宣公書曰子卒諱之也。

春秋左傳季文子曰昔高陽氏有才子八人蒼

舒·賸·數·擣·戴·大·臨·龐·降·庭·堅·仲·容·叔·達·天·下·謂·
之·八·愷·高·辛·氏·有·才·子·八·人·伯·奮·仲·戡·叔·獻·季·
仲·伯·虎·仲·熊·叔·豹·季·狸·天·下·謂·之·八·元·帝·鴻·氏·
有·不·才·子·掩·義·隱·賊·天·下·謂·之·渾·敦·少·皞·氏·有·
不·才·子·毀·信·廢·忠·天·下·謂·之·窮·奇·顓·頊·氏·有·不·
才·子·傲·狠·明·德·天·下·謂·之·椅·杌·緡·雲·氏·亦·有·不·
才·子·貪·于·飲·食·冒·于·貨·賄·天·下·以·比·三·凶·謂·之·
饕·餮·其·一·條

淮南子·趙王·遷·流·于·房·陵·思·故·鄉·作·為·山·水·之·
謳·聞·者·莫·不·隕·涕·史·記·秦·既·虜·遷·趙·之·亡·大·夫·
共·立·嘉·為·王·六·年·秦·破·嘉·遂·滅·趙·以·為·郡·據·此·
則·遷·房·陵·乃·趙·王·遷·非·嘉·也·

史·記·漢·元·年·諸·侯·罷·戲·下·各·就·國·項·王·使·人·徙·
義·帝·曰·古·之·帝·者·必·居·上·游·乃·徙·義·帝·長·沙·柳·
縣·除·令·衡·山·臨·江·王·擊·殺·之·江·中·其·三·條

晉·書·安·帝·元·興·初·元·顯·稱·詔·伐·桓·玄·玄·亦·移·檄·
京·邑·罪·狀·元·顯·玄·入·京·矯·詔·稱·大·將·軍·元·興·二·
年·十·二·月·玄·篡·位·以·安·帝·為·平·固·王·元·興·三·年·

建武將軍劉裕率沛國劉毅東海何無忌等舉義兵五月督護馮遷斬玄于頡盤州乘輿反正于江陵其四條

周書殷祝解桀與其屬五百人去湯放桀而復亳三千諸侯大會湯退再拜從諸侯之位湯曰天子非一家之有也惟有道者理之湯以此讓三千諸侯莫敢即位然後湯即天子之位麒五魏志陳琳避難冀州袁紹使典文章紹將伐許乃令琳為檄文

前漢書成帝時張放淳于長愛幸宴飲引滿舉白時乘輿帷坐畫紂踞姐已上指問班伯曰紂為無道至于是乎伯對曰書云乃用婦人之言何有踞肆于朝所謂衆惡歸之不如是之甚也其六條

魏志甘露四年以司馬文王封晉公加九錫司空鄭冲等勸進乃受咸熙二年命晉王建天子旌旗乘金根車駕六馬位在燕王上晉書荀勗字公曾賴陰人晉武受禪拜中書監

其八條

史記初衛宣公烝于夷姜生子伋以為太子為太子娶齊女宣公悅而自娶之是為宣姜生子壽子朔宣姜與朔共讒太子伋宣公使伋于齊使盜待諸莘殺之

春秋左傳昭公十九年楚平王之在蔡也鄖陽封人之女奔之生太子建王為之聘于秦無極勸王娶之而居太子建于城父昭公二十年無極言于楚子曰建與伍奢將以方城之外叛王信使城父司馬奮揚殺太子太子建奔宋春秋左傳昭公二十二年賓孟適郊見雄雉自斷其尾問之侍者曰自憚其犧也

國語晉獻公作二軍公將上軍太子將下軍以伐霍士蒍語人曰太子不得立矣雖克與否無所避幸與其勤而不入不如逃之為吳太伯不亦可乎猶有令名與其及也其九條

前漢書淮南厲王自殺辟陽侯歸國益驕恣不用漢法文帝重自切責之乃使薄昭于書諫之

王得書不悅。謀逆。令人使閩越。匈奴。事覺。廷尉宗正。雜奏。長當棄市。帝不忍。致法。徒之蜀。後漢書。阜陵王延。初封淮陽公。尋進爵為王。性驕奢。而遇下嚴烈。永平中。有上書告延與姬兄謝弁。及妹婿光。招致奸猾。作圖讖事。事下案驗。光弁自殺。有司請誅延。顯宗以罪薄于楚王英。特加恩。徙為阜陵王。其十條。

孫端紱佩章校

景緯揆基

史通訓故補卷之十四

北平黃叔琳崑圖補注

海虞顧鎮備九叅訂

萊陽張澗文溪同訂

惑經第四 二十二條

春秋可疑處
實多後儒添
一解遺添一
惑焉乎茫茫
陸緒焉從正
之

昔孔宣父以大聖之德應運而生生人已來未之
有也故使三千弟子七十門人鑽仰不及請益無
倦然則尺有所短寸有所長其間切磋酬對頗亦
互聞得失何者觀仲由之不悅則矢天厭以自明

知幾具此深
情豈是非聖
細法者吾故
知幾古一篇
利為而發也

答言偃之絃歌則稱戲言以釋難斯則聖人之設
教其理含弘或援誓以表心或稱非以受屈豈與
夫庸儒末學文過飾非使夫問者緘辭杜口懷疑
不展若斯而已哉嗟夫古今世殊師授路隔恨不
得親膺灑掃陪五尺之童躬奉德音撫四科之友
而徒以研尋蠹簡穿鑿遺文菁華久謝糟粕為偶
遂使理有未達無由質疑是用握卷躊躇揮毫悻
憤儻梁木斯壞魂而有靈敢効接輿之歌輒同林
放之問但孔氏之立言行事刪詩讚易其義既廣

難以具論。今惟撫其史文，評之於後。

按夫子所修之史，是曰春秋。竊詳春秋之義，其所未諭者有十二。何者？趙孟以無辭伐國，貶號為人。杞伯以夷禮來朝，降爵稱子。虞班晉上惡貪賄，而先書楚長。晉盟譏無信，而後列此。則人倫臧否，在我筆端。直道而行，夫何所讓？奚為齊鄭及楚國有弑君，各以疾赴，遂皆書卒？

昭九年公子國弑其君鄭教襄七年鄭子驷弑

其君僖公十年齊人弑其君悼公而春秋但書云楚子麇卒鄭伯頑卒齊侯陽生卒夫臣弑

其君子弑其父，凡在含識，皆知耻懼，苟欺而可免。

則誰不願然。且官為正卿，返不討賊，地居冢嫡，藥不親嘗，遂皆被以惡名，播諸來葉，必以彼三逆方茲二弒躬為梟獍，則漏網遺名，跡涉瓜李，乃凝脂顯錄嫉惡之情，豈其若是。其所未諭一也。

又按齊乞野幕之弒，事起陽生，楚比乾谿之弒，禍

由常壽，而春秋捐其首謀，捨其親弒。

乞謂齊陳乞，比楚公子比。

也。亦何異魯酒薄而邯鄲圍，城門火而魚池及，必

如是，則邾之闇者私憾射姑，以其君急而好潔，可行欺以激怒，遂傾瓶水沃庭，俾廢爐而爛，卒斯亦

罪之大者曷不書弑乎

宜書云閻弑知子

其所未諭二也

蓋明鏡之照物也妍媸必露不以毛嫱之面或有疵瑕而寢其鑒也虛空之傳響也清濁必聞不以綿駒之歌時有誤曲而輟其應也夫史官執簡宜類於斯苟愛而知其醜憎而知其善善惡必書斯為實錄觀夫子脩春秋也多為賢者諱狄實滅衛因桓耻而不書河陽召王成文美而稱狩斯則情兼向背志懷彼我苟書法其如是也豈不使賢人君子靡憚憲章雖玷白圭無慙良史也乎其所未

諭三也

哀八年及十三年公再與吳盟而皆不書

八年注云不書

盟耻吳夷也十三年注云盟不書諸侯耻之故不錄也

桓二年公及我盟我

實豺狼非我族類夫非所諱而仍諱謂當耻而無耻求之折衷未見其宜其所未諭四也

諸國臣子非卿不書必以地來奔則雖賤亦志斯豈非國之大事不可限以常流者耶如陽虎盜入于謹擁陽關而外叛傳具其事經獨無聞何哉且弓玉云亡猶獲顯記城邑失守反不沾

一作書畧具

此于文義甚
明不必致疑

大存小理垂懲勸其所未諭五也

按諸侯世嫡嗣業居喪既未成君不避其諱此春秋之例也何為般野之歿皆書以名而惡視之殂直云子卒其所未諭六也

凡在人倫不得其死者邦君已上皆謂之弑卿士已上通謂之殺此又春秋之例也按桓二年書曰宋督弑其君與夷及其大夫孔父僖十年又曰晉里克弑其君卓及其大夫荀息及宜改夫臣當為殺而稱及與君弑同科苟弑殺不分則君臣靡別

者矣。公羊氏傳曰、及者何、累也、雖有此釋、其義難通、既未釋此、共編于未論、他皆放此也、

其所未論七也。

夫臣子所書君父是黨、雖事乖正直而理合名教、如魯之隱桓弑弒、昭哀放逐、姜氏淫奔、子般夭酷、斯則邦之孔醜、諱之可也。如公送晉葬、公與吳盟、為齊所止、為邾所欺、盟而不至、會而後期、並諱而不書、豈非煩碎之甚、且案汲冢竹書與晉春秋及紀年之載事也、如重耳出奔、惠公見獲、書其本國、皆無所隱、唯魯春秋之記其國也、則不然、何者、國

家事無大小苟涉嫌疑動稱耻諱厚誣來世奚獨多乎其所未諭八也

按昭十二年齊納北燕伯者何

別本燕伯下
有于陽二字

公子

陽生也

左傳曰納北燕伯款于唐
杜注云陽即唐燕之別邑

子曰齊之事

我乃知之矣在側者曰子苟知之何以不革曰如爾所不知何夫如是夫子之修春秋皆遵彼垂僻習其訛謬凡所編次不加刊改者矣何為其間則一褒一貶時有弛張或沿或革曾無定體其所未諭九也

魯疑夫子修春秋所以垂世立教也三傳皆後夫子而作已彼此異說假使後無傳者夫子所許之事將不傳于異代而立教之義亦無所憑以追考吳則奈之何

又書事之法其理宜明使讀者求一家之廢興則前後相會討一人之出入則始末可尋如定六年書鄭滅許以許男斯歸而哀元年書許男與楚圍蔡夫許既滅矣君執家亡能重列諸侯舉兵圍國者何哉蓋其間行事必當有說經既不書傳又闕載缺畧如此尋繹難知其所未諭十也

按晉自魯閔公已前未通于上國至僖二年滅下陽已降漸見於春秋蓋始命行人自達於魯也而瑣語春秋載魯國閔公時事言之甚詳斯則聞事

必書無假相赴者也蓋當時魯史它皆倣此至於
夫子所修也則不然凡書異國皆取來告苟有所
告雖小必書如無其告雖大亦闕故宋飛六鵩小
事也以有告而書之晉滅三邦大事也謂滅耿滅
魏滅霍也
以無告而闕之用使巨細不均繁省失中比夫諸
國史記奚事獨為踈畧尋茲例之作也蓋因周禮
舊法魯策成文夫子既撰不刊之書為後王之則
豈可仍其過失而不中規矩乎其所未諭十一也
蓋君子以博聞多識為工良史以實錄直書為貴

而春秋記它國之事必憑來者之辭而來者所言多非其實或兵敗而不以敗告君弑而不以弑稱或宜以名而不以名或應以氏而不以氏或春崩而以夏聞或秋葬而以冬赴皆承其所說而書遂使真偽莫分是非相亂其所未論十二也

凡所未論其類尤多靜言思之莫究所以豈夫子之墻數仍不得其門者歟將工也幸苟有過人必知之者歟如其與奪請謝不敏

又世人以夫子固天攸縱將聖多能便謂所著春

秋善無不備而審形者少隨聲者多相與雷同莫
之指實推而為論其虛美者有五焉案古者國有
史官具列時事觀汲冢所記皆與魯史符同至如
周之東遷其說稍備隱桓已上難得而詳此之煩
省皆與春秋不別又獲君曰止誅臣曰刺殺其大
夫曰執我行人鄭棄其師隕石于宋五其事並出
竹書紀年
惟鄭棄其師出
項語晉春秋也諸如此句多是古史全文則知夫
子之所脩者但因其成事就加雕飾仍舊而已有
何力哉加以史策有關文時月有失次皆存而不

正無所用心斯又不可殫說矣而太史公云夫子為春秋筆則筆削則削游夏之徒不能贊一辭其虛美一也

又案宋襄公執滕子而誣之以得罪楚靈王弑鄭
款而赴之以疾亡春秋皆承告而書曾無變革是
則無辜者反加以罪有罪者得隱其辜求諸勸誠
其義安在而左丘明論春秋之義云或求名而不
得或欲蓋而名一作彰善人勸焉淫人懼焉其虛
美二也

又春秋之所書本以褒貶為主故國語晉司馬侯
對其君悼公曰以其善行以其惡戒可謂德義矣
公曰孰能對曰羊舌肸習于春秋至於董狐書法
而不隱南史執簡而累進又寧殖出君而卒自憂
名在策書故知當時史臣各懷直筆斯則有犯必
死書法無捨者矣自夫子之脩春秋也蓋他邦之
篡賊其君者有三謂齊鄭楚已解於上本國之弑逐其君者
七隱閔舛惡視五君被弑昭哀二主被逐也莫不缺而靡錄使其有逃
名者而孟子云孔子成春秋亂臣賊子懼無乃烏

身通言古不
有之談歟其虛美三也

又案春秋之文雖有成例或事同書異理殊書一
故太史公曰孔氏著春秋隱桓之間則彰至定哀
之際則微為其切當世之文而亡褒諱之辭也斯
則危言行遜吐剛茹柔推避以求全依違以免禍
而孟子云孔子曰知我者其惟春秋乎罪我者其
惟春秋乎其虛美四也

案趙穿殺君而稱宣子之弑江乙亡布而稱令尹
所盜此則春秋之世有識之士莫不微婉其辭隱

晦其說斯蓋當時之恒事習俗所常行而班固云仲尼歿而微言絕觀微言之作豈獨宣父者耶其虛美五也

考茲衆美徵其本源良由達者相承儒教傳授既欲神其事故談過其實語曰衆善焉必察之孟子曰堯舜不勝其美桀紂不勝其惡尋世之言春秋者得非覩衆善而不察同堯舜之多美者云

昔王充說論有問孔之篇雖論語羣言多見指擿而春秋雜義曾未發明是用廣彼舊疑增其新覺

將來學者幸為詳之

禮記檀弓夫子早作負手曳杖消遙于門歌曰
泰山其頽乎梁木其壞乎哲人其萎乎子貢聞
之曰夫子殆將病也寢疾七日而歿
春秋左傳僖公二年夏晉里克荀息帥師會虞
師伐虢滅下陽先書虞賄故也
春秋左傳襄公二十六年宋向戌欲弭諸侯之
兵以為名晉楚齊秦皆許之六月辛巳將盟于
宋西門之外楚人衷甲趙孟患之叔向曰匹夫
一為不信猶不可單臆若合諸侯之卿以為不
信必不捷矣及盟晉楚爭先乃先楚書先晉晉
有信也

春秋左傳昭公十九年許悼公瘞飲太子止之
藥而卒太子奔晉書曰弑其君君子曰盡心力
以事君舍藥物可也其一條

春秋左傳哀公五年公子陽生來奔六年陳僖
子使召公子陽生冬十月丁卯立之使毛遷孺

子于貽不至。後諸野莽之下。注。弑茶者。朱毛與陽生也。而書陳乞。所以明乞立陽生而茶見弑。則禍由乞始也。

春秋左傳。昭公十三年。楚靈王申之會。越大夫戮焉。故遠氏之族。及蓬居。許圍。蔡洧。蔓成。然啟。越大夫常壽過。作亂。圍固城。克息舟城。而居之。使觀從從師于乾谿。曰。先歸復所。後者剗師。及營梁而潰。王縊。

莊子。魯酒薄而邯鄲圍。郭象注。楚宣王朝諸侯。魯恭公後至而酒薄。楚王怒。欲辱之。恭公不受。命楚王怒。乃發兵與齊攻魯。梁王常欲擊趙而畏楚。楚方以魯為事。故梁圍邯鄲。

春秋左傳。昭公二年。邾莊公與夷射姑飲酒。私出。闔乞肉焉。奪之。杖以敲之。三年。邾子在門臺。閭以瓶水沃庭。邾子望見之。怒。閭曰。夷射姑族焉。命執之。弗得。滋怒。自投于牀。廢于爐炭。爛。遂卒。莊公卞急而好潔。故及是。其二條。

春秋僖公二年。春。王正月。城楚丘。公羊傳云。孰

城。城衛也。曷為不言城衛滅也。孰滅之。狄滅之。曷為不言狄滅之。為桓公諱也。土無天子。下無方伯。天下諸侯有相滅亡者。桓公不能救。則桓公耻之。

春秋左傳。僖公二十八年冬。會于溫。討不服也。是會也。晉侯召王。以諸侯見。且使王狩。仲尼曰。以臣召君。不可以訓。故書曰。天王狩于河陽。言非其地也。且明德也。其三條。

春秋桓公二年。公及戎盟于唐。左傳。修舊好也。其四條。

春秋左傳。定公八年。陽虎欲去三桓。桓叔公與武叔以伐孟氏。公欲處父與陽氏。戰于南門之內。陽氏敗。取寶玉大弓。以出入于濮陽關。以叛。九年夏。陽虎歸寶玉大弓。書曰。得器用也。其五條。春秋左傳。初。莊公築臺。陳黨氏見孟任焉。從之。闕。而以夫人言許之。割臂盟。公生子般焉。雋講于梁氏。女公子觀之。圉人葦自牆外與之戲。子般怒。使鞭之。公曰。不如殺之。葦有力焉。能投蓋。

于稷門公薨子般即位共仲使圉人犇賊子般于黨氏

春秋襄公三十有一年夏六月公薨于楚宮秋九月癸巳子野卒左傳云毀也其六條

春秋左傳桓公二年宋督攻孔氏殺孔父而取其妻公怒督懼遂弑殤公君子以督有無君之心而後動于惡故先書弑其君

春秋左傳僖公九年初獻公使荀息傅奚齊及公薨里克殺奚齊于次荀息立公子卓以葬里克殺公子卓于朝荀息死之其七條

春秋左傳成公十年冬葬晉景公公送葬諸侯莫在魯人辱之故不書諱之也

春秋左傳哀公八年吳伐魯次于泗上乃請釋子服何于吳吳人許之以王子姑曹當之吳人盟而還注不書盟耻與吳盟也

春秋左傳僖公十六年以滅項故公為齊所止宣公五年公如齊高固使齊侯止公請叔姬焉春秋左傳僖公二十年伐邾取須句邾人出師

公卑邾不設備而禦之我師敗績邾人獲公胃
懸諸魚門

春秋左傳文公十五年晉侯宋公衛侯蔡侯陳
侯鄭伯許男曹伯盟于扈于是有齊難是以公
不書凡諸侯會公不與不書諱君惡也

春秋左傳文公七年齊侯宋公衛侯陳侯鄭伯
許男曹伯晉趙盾盟于扈晉侯立故也公後至
故不書凡會諸侯不書所會後也

春秋左傳申生之亂驪姬譖二公子曰皆知之
重耳奔蒲公使寺人披伐蒲遂出奔翟

春秋左傳僖公十五年秦晉戰于韓原獲晉侯
以歸其八條

春秋二十國年表定公六年鄭滅許以許男斯
歸元公成立是許固有君也哀元年許男與楚
圍蔡即許元公耳其十條

春秋左傳僖公十六年春六鷁退飛過宋都風
也

春秋左傳閔公元年晉侯作二軍趙夙御戎畢

萬為右以滅耿滅霍滅魏其十一條

春秋僖公二十有八年公子買戍衛不卒戍刺之公羊傳刺之者殺之也殺之則曷謂之刺內諱殺大夫謂之刺也

春秋左傳閔公二年鄭人惡高克使帥師次于河上久而弗召師潰而歸高克奔陳鄭人為之賦清人

春秋左傳僖公十五年春隕石于宋五星也其十四條

春秋左傳襄公十四年衛獻公戒孫文子甯惠子食皆服而朝日旰不召射鴻于囿二子從之不釋皮冠而與之言二子怒公使子行于孫子孫子殺之公出奔齊襄公二十年甯惠子疾名悼子曰吾得罪于君悔而無及也名藏在諸侯之冊曰孫林父甯殖出其君君入則掩之若能掩之則吾子也若不能猶有鬼神吾有餒而已不來食矣其十六條

列女傳江乙為鄒大夫有入王宮中盜者令尹

以罪乙請于王而絀之無何乙母亡布往言于王曰令尹盜之王曰冠盜在下令尹不知有何罪焉母曰吁何大王之言過也昔妾子為郢大夫有盜王宮中之物者妾子坐而絀妾子亦豈知之哉然終坐之令尹獨何人而不以是是為過也王其察之其十八條

〔補注〕

春秋僖公十有九年春王三月宋人執滕子嬰齊注云稱人以執宋以罪及民告其十五條

申左第五

古之人言春秋三傳者多矣。戰國之世，其事罕聞。當前漢專用公羊，宣皇已降，穀梁又立於學。至成帝世，劉歆始重左氏，而竟不列學官。大抵自古重兩傳而輕左氏者，固非一家。美左氏而議兩傳者，亦非一族。互相攻擊，各自朋黨，籠聒紛競，是非莫分。然則儒者之學，苟以專精為主，至於治章句、通訓釋，斯則可也。至於論大體、舉宏綱，則言罕兼統，理無要害，故使今古疑滯，莫得而申者焉。必揚摧

而論之言傳者固當以左氏為首但自古學左氏者談之又不得其情如賈逵撰左氏長義稱在秦者為劉氏乃漢室所宜推先但取悅當時殊無足採又案桓譚新論曰左氏傳於經猶衣之表裏而東觀漢記陳元奏云光武興立左氏而桓譚衛宏並共毀訾故中道而廢班固藝文志云止明與孔子觀魯史記而作春秋有所貶損事形于傳懼羅時難故隱其書末世口說流行遂有公羊穀梁鄒氏夾氏諸傳而於固集復有難左氏九條三評等

科夫以一家之言一人之說而參差相背前後不同斯又不足觀也夫解難者以理為本如理有所闕欲令有識心伏不亦難乎今聊次其所疑列之於後

蓋左氏之義有三長而二傳之義有五短案春秋昭二年韓宣子來聘觀書於太史氏見魯春秋曰周禮盡在魯矣吾乃今知周公之德與周之所以王也然春秋之作始自姬旦成諸仲尼正明之傳所有筆削及發凡例皆得周典

杜預釋例云公羊穀梁之論春秋皆

因事以起問。因所問以執義。執義者。曲以所通。無他凡例也。左丘明則周禮以為本。諸稱凡以發例者。皆周公之舊制者也。傳孔子教。故能成不刊之書。著將來之法。其長一也。

又案哀三年。魯司鐸火。南宮敬叔命周人出御書之時。於魯文籍最備。丘明既躬為太史。博總羣書。至如禱杙紀年之流。鄭書晉志之類。凡此諸籍。莫不畢覩。其傳廣包。它國每事皆詳。其長二也。

論語子曰。左丘明耻之。丘亦耻之。夫以同聖之才。而膺授經之托。加以達者七十。弟子三千。遠自四

方同在一國於是上詢夫子下訪其徒凡所採摭實廣聞見其長三也

如穀梁公羊者生於異國長自後來語地則與魯史相違論時則與宣尼不接安得以傳聞之說而與親見者爭先乎譬猶近世漢之太史晉之著作撰成國典時號正言既而先賢者舊

謂楚國先賢傳汝南先賢

行狀蓋部耆舊傳襄陽耆舊傳等書

語林世說競造異端強書佗事

夫以傳自委巷而將班馬抗衡訪諸古老而與子孫並列斯則難矣彼二傳之方左氏亦奚異於此

言古不
第一
三
哉其短一也

左氏述臧哀伯諫桓納鼎周內史美其讜言王子
朝告于諸侯閔馬父嘉其辨說凡如此類其數實
多斯蓋當時發言形于翰墨立言不朽播於他邦
而工明仍其本語就加編次亦猶近代史記載樂
毅李斯之文漢書錄鼂錯賈生之筆尋其實也豈
是子長葉削孟堅雌黃所構者哉觀二傳所載有
異於此其錄人言也語乃齟齬文皆瑣碎夫如是
者何哉蓋彼得史臣之簡書此傳流俗之口說故

使隆促各異豐儉不同其短二也

尋左氏載諸大夫詞令行人應答其文典而美其

語博而興

如僖伯諫君觀魚富辰諫王納帶王孫勞楚而論九鼎季札觀樂而談國風其

所援引皆據禮經之類是也

述遠古則委曲如存

如郊子聘魯言少昊以鳥

名官季孫行父稱薜舉八元八愷魏絳答晉悼公引虞人之箴于革諷楚靈王誦祈招之詩其事明

白非是厚

徵近代則循環可覆

如呂相絕秦述兩國世隙聲子班荆

稱楚材晉用晉士渥濁諫殺荀林父說晉文公敗楚於濮有憂色于服景伯謂吳云楚圍宋易子而

食析骸以爨猶無城下之盟祝它稱踐土盟晉重耳魯甲午之類也

必料其功用

厚薄指意深淺諒非輕營草創出自一時琢磨潤

色獨成一手斯蓋當時國史已有成文正明但編而次之配經稱傳而已也如二傳者記言載事失彼菁華尋源討本取諸胷臆夫自我作故無所準繩故理甚迂僻言多鄙野比諸左氏不可同年其短三也

案二傳雖以釋經為主其缺漏不可殫論如經云薨而左傳云公子圍所殺及公羊作傳不述經文無所發明依違而已其短四也

漢書載成方遂詐稱戾太子至於闕下雋不疑曰

昔衛蒯聵得罪於先君將入國太子輒拒而不納
春秋是之遂命執以屬吏霍光由是始重儒學案
雋生所引乃公羊正文如論語冉有曰夫子為衛
君乎子貢曰夫子不為也何則父子爭國梟獍為
曹禮法不容名教同嫉而公羊釋義反以衛輒為
賢是違夫子之教失聖人之旨獎進惡徒疑誤後
學其短五也

若以彼三長校茲五短勝負之理為主而于內則
為國隱惡於外則承乏而書求其本事大半失實

然則左氏反
勝于聖經耶

如君所云春
秋可廢

已于疑經篇載之詳矣。尋斯義之作也。蓋是周禮
之故事。魯國之遺文。天子因而修之。亦存舊制而
已。至于實錄付之。正明用使善惡畢彰。真偽盡露。
向使孔經獨用左傳。不作則當代行事。安得而詳
者哉。蓋語曰。仲尼脩春秋。逆臣賊子懼。又曰。春秋
之義也。欲蓋而彰。求名而亡。善人勸焉。淫人懼焉。
尋春秋所書實垂此義。而左傳所錄無媿斯言。此
則傳之與經。其猶一體。廢一不可相須而成。如謂
不然。則何者。稱為勸戒者哉。杜預釋例曰。凡諸侯
無加民之惡。而稱人

以執。皆時之赴告欲重。而罪以加民。為辭。國史承以書于策。而簡牘之記具存。夫子因示虛實。故左傳隨實而著本狀。以明其得失也。儒者苟譏左氏案杜氏此釋。實得經傳之情者也。儒者苟譏左氏作傳多叙經外別事。如楚鄭與齊三國之賊弑。隱桓昭襄四君之篡逐。其外則承告如彼。其內則隱諱如此。若無左氏立傳。其事無由獲知。然設使世人習春秋而唯取兩傳也。則當其時二百四十年行事茫然闕如。俾後來學者。代成龔瞽者矣。且當秦漢之世。左氏未亡。遂使五經雜史。百家諸子。其言河漢無所遵憑。故其記事也。當晉景行霸公室。

方強而云韓氏攻趙有程嬰杵臼之事

出史記魯趙世家

侯禦宋得雋乘丘而云莊公敗績有馬驚流矢之

禍楚晉相遇唯在邲役而云二國交戰置師于兩

棠

出賈誼新書

子罕相國宋睦于晉而云晉將伐宋覘

其哭于陽門介夫乃止

出禮記

魯師滅項晉止僖公

而云項實齊桓所滅春秋為賢者諱

出公羊傳

襄年再

盟君臣和叶而云諸侯失政大夫皆執國權

出穀梁傳

其記時也蓋秦繆居春秋之始而云其女為荊昭

夫人

出列女傳

韓魏處戰國之時而云其君陪楚莊王

葬馬

出史記
前稽傳

列子書論尼父而云生在鄭穆之年

出劉向
七錄

扁鵲醫療虢公而云時當趙簡子之日

出史

記扁鵲傳

樂書仕於周子而云以晉文如獵犯顏直言

出劉向
新序

荀息死於奚齊而云觀晉靈作臺累碁申

誠出劉向
說苑

或以先為後或以後為先日月顛倒上

下覆翻古來君子曾無所疑及左傳既行而其失

自顯語其弘益不亦多乎而世之學者猶未之悟

所謂忘我大德日月而不知者焉然自正明之後

迄及魏滅年將千祀其書寢廢至晉太康年中汲

家獲書全同左氏

汲冢所出春秋左氏年頃語師春在焉案紀年頃語

載春秋時事與左氏同師春多載春秋時
筮者絲辭將左氏相叔遂無一字差舛

故東晉

云若使此書出於漢世劉歆不作五原太守矣於

是摯虞東晉引其義以相明王接荀顗取其文以

相證杜預申以注釋

注謂注解釋謂釋例

干寶籍為師範

事具

干寶晉紀
叙例中

由是世稱實錄不復言非其書漸行物

無異議故孔子曰吾志在春秋行在孝經於是授

春秋於王明授孝經於曾子史記云孔子西觀周

室論史記舊聞次春秋七十子之徒口授其旨傳

所刺譏褒諱之文不可以書見也魯君子左丘明
懼弟子人各異端失其真意故因孔氏史記具論
其語成左氏春秋夫學者苟徵此二說以考三傳
亦足以定是非明真偽者矣何必觀汲冢而後信
者乎以此而言則三傳之優劣見矣

後漢書賈逵字景伯平陵人父徽從劉歆受左
氏春秋逵傳父業建初元年詔逵入講帝善其
說使逵發出左氏傳大義長于二傳者逵于是
具條奏之曰五經皆無以託圖讖明劉氏為堯
後者獨左傳晉大夫祭墨曰陶唐氏既衰其後
有劉累者字擾龍以事孔甲范氏其後也范會
自秦還晉其處者為劉氏明漢承堯後也
後漢書陳元字長弘黃門郎父欽習左氏春秋

與劉歆同時而列自名其少傳父業為之訓詁

後漢書桓譚字巨山沛國相人。世祖即位徵待詔。後以讖對失旨。出為六安丞。

後漢書衛宏字敬仲東海人。初九江謝曼卿善毛詩。宏從之學。因作毛詩序。善得風雅之旨。

春秋左傳哀公三年夏五月司鐸火。火踰宮。宮桓僖災。救火者皆曰顧府。南宮敬叔至。命周人

出御書。侯于宮。曰。庀女。而不在死。春秋左傳昭公二十二年。景王崩。王子朝因舊

官百工之喪職秩者與靈景之族以作亂。二十六年。使告于諸侯。曰。昔先王之命曰。王后無適

則擇立長。年鈞以德。德鈞以卜。王不立愛。公卿無私。古之制也。穆后及太子壽早夭。即世。單劉

贊私立少。以問先王。亦惟伯仲圖之。閔馬父聞子朝之辭。曰。文辭以行禮也。子朝干先王之命

述晉之大。以專其志。無禮甚矣。文辭何為。史記樂毅為燕破齊。燕昭王卒。惠王立。惠王自

為太子時不快于殺穀懼奔趙惠王使人讓之穀報以書

史記韓人鄭國間秦事覺秦一切逐客李斯亦在逐中乃上書請除逐客之令又為二世上督責書

史記鼂錯孝文時言削諸侯事及法令可更定者書數十上孝文不聽然奇其才遷為中大夫史記賈誼為長沙王太傅意不自得渡湘水因為賦以弔屈原在長沙三年有鴛飛入舍楚人命鴛為鴈復作鴈鳥賦

前漢書始元五年有男子乘黃犢車詣北闕自謂衛太子丞相御史莫敢發言京兆尹雋不疑叱從吏收縛曰昔蒯瞶違命出奔輒拒而不納春秋是之衛太子得罪亡不即死今來自詣此罪人也送詔獄

春秋公羊傳靈公逐蒯瞶而立輒然則輒之義可以立乎曰一其小奈何不以父命辭王父命以王父命辭父命是人之子也

辭王事以王事辭之。行乎下也。春秋左傳：成公八年，晉趙盾、趙莊、趙嬰之亡故，讚之于晉侯曰：「宋屏將為亂，樂祁為徵。」六月，晉討趙盾，趙盾從之。氏畜于公宮，以其田與祁奚。韓厥言于晉侯曰：「成公之數宣孟之忠而無後，為善者其懼矣。」乃立武而反其田。史記：晉屠岸賈始有寵于靈公，至景公為司寇，乃治靈公之賊，以致趙盾與諸將攻趙氏于下宮，而殺趙朔、趙同、趙括、趙嬰齊，滅其族。朔妻成公之姊，有遺腹，走公宮，免身，生男，屠岸賈聞而索之。程嬰公孫杵臼詐以他人子，衣之文葆，以為趙氏孤兒。諸將殺之，并殺杵臼。後景公疾，卜曰：「大業之後，不遂者為祟。」乃立趙武而滅屠岸賈之族。

春秋左傳：魯莊公十年，齊師、宋師次于郎。公子偃曰：「宋師不整，可敗也。」宋敗，齊必還。蒙皐比而犯之，公從之。大敗宋師于乘丘。齊師乃還。禮記：魯莊公及宋人戰于乘丘，縣賁父御馬驚。

敗績。公曰：「未之卜也。」縣賁父曰：「他日不敗績而今敗績，是無勇也。」遂死之。國人浴馬，有流失在

白內。公曰：「非其罪也。」遂誅之。

春秋左傳：宣公十二年，楚子圍鄭，荀林父率師救鄭。楚人乘晉軍，晉師敗績。楚師軍于邲，晉之餘師不能軍，宵濟亦終夜有聲。

呂氏春秋：荆莊哀王與師戰于兩棠，大勝晉。禮記：陽門之介夫死，子罕入而哭之哀。晉人之

覘宋者，反告于晉侯曰：「陽門之介夫死，子罕哭之哀，而民悅，殆不可伐也。」孔子曰：「善哉！覘國乎！」

春秋左傳：僖公十六年，師滅項，淮之會。公，有諸侯之事，未歸而取項，齊人以為討而止公。

史記：楚莊王有所愛馬死，欲以大夫禮葬之。優孟曰：「臣請以雕玉為棺。」大為掩發，甲卒為穿

壙。齊趙陪位于前，皆執翼衛其後，使諸侯聞之，皆知大王愛人也貴馬也。

史記：扁鵲者，在秦氏，名越人，受長桑君之術。晉昭公時，趙簡子疾，及知人，占鵲入視，曰：「血脉治。」

也。而何怪過號。號天子曰。若太子所謂尸
廢者也。使弟于子。陽厲鐵砥石以取三陽五會
有頃而蘇。

春秋左傳。成公十六年。晉欒書中行偃使程滑
弑厲公。使荀瑩士魚逆川于京師而立之。是
為悼公。

賈誼新書。晉文逐麋而失之。問農父。老古。老古
以足指之。公曰。寡人問子以足指何也。老古振
衣而起曰。一不意人君如此也。諸侯厭衆而亡
其國。人將君之。公悅。以告樂武子。武子曰。取人
之言而棄其身。盜也。文公曰。善。乃載老古與俱
歸。晉自文公歷襄公。靈公。成公。景公。厲公。始傳
悼公。凡七世。

說苑。晉靈公造九層臺。費用千億。荀息聞之。上
書求見。曰。臣能累十二棊子。加九雞子其上。公
曰。危哉。荀息曰。復有危于此者。九層之臺。三年不
成。鄰國諒議將欲興兵。公即壞九層之臺。
前漢書。劉歆欲建立左氏春秋。逸禮。古文尚書。

于學官。哀帝令與博士講論其義。博士或不肯置對。故移書責之。由是忤執政大臣。懼誅。求出補吏。為河內太守。又以宗室不宜典三河。徙守五原。

晉書。王接。字祖游。河東猗氏人。歷官殿中郎。接常謂左氏辭義賾富。自是一家書。不主為經發。公羊附經立傳。通經為長。乃更注公羊春秋。晉書。荀顗。字景倩。或之第六子也。咸熙中。遷司空。

補注

晉書。摯虞傳。虞字仲洽。京兆長安人。為太子舍人。除開喜令。

孫端綬佩章
景緯按基校

史通訓故補卷之十四終